

Serbski powěstnik

Ze „staršej“ a „młodej“ paru

Spočatk noweho lěta so we wjele towarstwach hłowne zhromadźizny přewjeduja. Tež člonoj chóra Lipa so wutoru zetkach, zo bychu minjene lěto wuhódnočili, nowe předsydstwo wolili a plan lětušich předewzacow schwalili.

Lěto 2012 bě za chór poľne wjerškow, wšako je wón w aprylu, juliju a awgusće z tamnymi lajskimi chórami a SLA pod wuběrnym nawodom Judit Kubicec Kocorowy a Zejlerjowy oratorij „Nalěćo“ zanošowaľ. Wosebje předstajeni w Drježdźanskej cyrkwi Našeje knjenje a na Valdštejnskej zahrodze w Praze běštej sobuskutkowacym njezapomnitej.

Zo bychu zajimcow na koncertach překwapili, su Lipjenjo nimo oratorija 14 nowych spěwow nazwučowali. Tójšto hosći móžachu woni do klósterskeje zahrody witać, hdžež jich zhromadnje z chórom Meja zawjeselichu. Tež wjacore Bože mše hudźbnje wobrubichu, mjez druhim putnisku w Róženće. Kruty termin je stajnje nazymski koncert Zaľožby za serbski lud. Loni bě Njebjel-

čanska „Bjesada“ hać na poslednje městno wobsadźena. Někotři člonoj chóra móžachu so na svojich kulowatych narodninach abo kwasu nad spěwnymi chłóšćenkami zwjeselić. Je to stajnje rjane připóznace za njesprócnawe sobudžeľo w kulturnym cyľku. Posledni wjeršk lěta je hodowny koncert w Róženčanskej cyrkwi. Wulki džak dirigentce Jadwize Kaulfűrstowej, kotraž chór z angažementom nawjeduje.

Lěta wočakuje Lipjanow njewšedne wužadanje. Zhromadnje z NSLDž přihotuja so na džiwadłowu hru „Kaž w njebjesach“, kotraž změje 9. měrca 2013 na hłownym jewišću w Budyšinje serbsku prapremjeru. W šesć předstajenjach móža přihladowarjo spěwarki a spěwarjow jónu na hinaše wašnje dožiwić. Wězo wuhotuja chórisća tež lěta zaso w meji nalětni koncert w klósterskej zahrodze. Ze swójbnyimi chcedza sej nazymu do proboweho lěhwa dojeć a tam dalše nowe spěwy za nazymski koncert a hodowny nyšpor nazwučować.

Na wóľbnej zhromadźiznje su sej Lipjenjo Silwiju Wjeńcynu znowa za předsydku, Christinu Handrikowu za městopředsydku a Uwe Pjetaša za pokładnika wuzwolili. Předsydstwo wudospołnjataj Melanie Rjelkec a Syman Woko, wuměľski nawod wostanje w rukomaj Jadwigi Kaulfűrstoweje. Tak móže so Lipa ze „staršej“ a „młódšej“ paru do džěta dać. *mr*